

COMISIÓN INFORMATIVA DE COOPERACIÓN, INFRAESTRUTURAS E MEDIO RURAL

ACTA da mencionada comisión informativa, correspondente ao día **18 de novembro de 2020**

Ás 18.00 horas do día 18 de novembro de 2020, réunese a comisión informativa de Cooperación, Infraestruturas e Medio Rural, a través do sistema de videoconferencia (no enlace: <https://call.lifesizecloud.com/6339643>) coa asistencia dos seguintes deputados e deputadas:

Presidente: D. Pablo Pérez Pérez

Deputados/as do Grupo Popular:

D.^a Ana Patricia Torres Madureira

D. Álvaro José Fernández López

D. Miguel Antonio Cid Álvarez

D. Jorge Pumar Tesouro

Deputados/as do Grupo Socialista:

D. Aurentino Alonso Araújo

D.^a Elvira Lama Fernández

D.^a Rosario Rodríguez Delgado

Deputado de Democracia Ourensana: D. Armando Ojea Bouzo

Deputado non adscrito: D. José Miguel Caride Domínguez

Deputado do BNG: D. Bernardo Varela López

Secretario: D. Juan Marquina Fuentes

Interventor: D. José Mosquera Casero

Non asiste a **deputada de Ciudadanos-Partido de la Ciudadanía:** D.^a Montserrat Lama Nóvoa

Seguidamente, iniciouse o tratamento dos asuntos incluídos na orde do día, do xeito que se reflicte a continuación:

1º.- APROBACIÓN DA ACTA DA SESIÓN ANTERIOR, CORRESPONDENTE Á ORDINARIA DO DÍA 21 DE OUTUBRO DE 2020.-

Pola Secretaría Xeral deuse traslado do borrador da acta anterior, correspondente á ordinaria do día 21 de outubro de 2020.

Non se producen intervencións e por maioría a comisión adopta o seguinte acordo:

Aprobar a acta da sesión ordinaria da Comisión Informativa de Cooperación, Infraestruturas e Medio Rural do día 21 de outubro de 2020, conforme co borrador elaborado pola Secretaría Xeral.

2º.- DACIÓN DE CONTA DO ACORDO DA XUNTA DE GOBERNO DE PROXECTO DE EXPROPIACIÓN RELATIVO Á OBRA “AMPLIACIÓN DE ACCESOS A REQUIÁS E GUNTIMIL”, NO TERMO MUNICIPAL DE MUÍÑOS.-

O Sr. Secretario dá conta do acordo da Xunta de Goberno do 2 de novembro de 2020, relativo ao proxecto de expropiación da obra “ampliación de accesos a Requiás e Guntimil”, no termo municipal de Muíños.

A comisión queda informada.

3º.- RATIFICACIÓN DO CONVENIO DE COLABORACIÓN ASINADO ENTRE A DEPUTACIÓN PROVINCIAL DE OURENSE, O CONCELLO DE VIANA DO BOLO E A MERCANTIL ENDESA GENERACIÓN SA EN DATA 27.12.2019, PARA A CESIÓN EN PROPIEDADE DA TITULARIDADE DAS ESTRADAS ALÍ DESCRITAS (ESTRADA SAN AGUSTÍN E ESTRADA SAN AGUSTÍN-ENCORO DAS PÍAS POR CEPPEDELO) AO CONCELLO POLO QUE DISCORRE CADA UN DOS TREITOS DE ESTRADA INDICADOS, ASÍ COMO A REPARACIÓN E ACONDICIONAMENTO DESTAS

O Sr. secretario dá conta do contido da proposta.

D. Aurentino Alonso Araújo, do Grupo Socialista, expón unha serie de dúbidas para que lle sexan contestadas aquí ou no Pleno, como son se a comisión de seguimento do convenio está constituída ou se o Concello de Viana do Bolo xa asumiu as obrigacións que lle corresponden segundo o convenio.

O presidente da comisión explica que xa se reuniu en varias ocasións cos representantes do Concello e de Endesa Generación e que cre que o concello xa cumpriu a maioría das obrigacións, en todo caso no Pleno explicará con detalle as actuacións inherentes a este convenio.

Non se producen máis intervencións e co voto favorable do Grupo Popular, do deputado non adscrito e do BNG, e a abstención do Grupo Socialista e de Democracia Ourensana, a comisión ditamina favorablemente a adopción, por parte do Pleno, do seguinte acordo:

1º. Ratificar o Convenio de colaboración asinado entre a Deputación Provincial de Ourense, o Concello de Viana do Bolo e a mercantil Endesa Generación SA, en data 27.12.2019, para a cesión en propiedade da titularidade das estradas alí descritas (*estrada San Agustín e estrada San Agustín-Encoro das Pías por Cepedelo*) ao concello polo que discorre cada un dos treitos de estrada indicados, así como a reparación e acondicionamento destas, coas seguintes cláusulas:

PRIMEIRA. OBXECTO DO CONVENIO DE COLABORACIÓN.

O obxecto do presente Convenio é establecer as condicións polas que se rexerá a colaboración entre a Deputación Provincial de Ourense, o Concello de Viana do Bolo e a mercantil Endesa Generación SA, para a cesión en propiedade da titularidade das estradas descritas (*estrada San Agustín e estrada San Agustín-Encoro das Pías por Cepedelo*) ao concello polo que discorre cada un dos treitos de estrada indicados, así como a reparación e acondicionamento destas.

SEGUNDA. OBRIGAS DO CONCELLO DE VIANA DO BOLO.

Son obrigas do Concello de Viana do Bolo no marco do presente convenio:

- a) Ratificar mediante acordo plenario municipal o contido do presente convenio e sometelo ao procedemento de información pública regulamentario.
- b) Unha vez concluído o proceso de información pública mencionado no punto anterior, subscribir ante notario a correspondente escritura pública de cesión en propiedade da parte dos predios de Endesa Generación, que ocupa o trazado das estradas mencionadas no expositivo III e acta de recepción dos viarios descritos coa mercantil Endesa Generación SA, en función do termo municipal polo que discorre cada un dos treitos de estrada (*estrada San Agustín, estrada San Agustín-encoro das Pías por Cepedelo*), asumindo o Concello de Viana do Bolo dende esa data todas as obrigas inherentes á titularidade dos viarios, como son as de conservación, mantemento e sinalización, manténdooas abertas ao tráfico e sen poder impoñer restricións e/ou limitacións á circulación de vehículos e/ou maquinaria con orixe ou destino ás centrais hidroeléctricas, encoros ou instalacións de Endesa Generación SA, sen que se lle poida reclamar nin solicitar nada a esta última.
- c) Inscribir no Rexistro da Propiedade a parte dos predios polos que transcorre o trazado das estradas, sendo de cargo do Concello de Viana do Bolo os custos da tramitación e

obtención das correspondentes licenzas de segregación ou de innecesiedade e calquera trámite requirido para proceder á inscrición dos predios.

- d) Transferirle á Deputación Provincial de Ourense un importe de douscentos oitenta e seis mil setecentos corenta e nove euros con setenta e dous céntimos (286.749,72 €, equivalente a un 22,2% do orzamento inicialmente estimado de execución por contrata con IVE), os cales irán destinar ao cofinanciamento das obras de reparación e mantemento dos treitos de estradas indicados, cun orzamento total de execución por contrata de 1.125.119,28 €.
- e) Poñer a disposición da Deputación Provincial de Ourense todos os terreos necesarios para a execución das obras de reparación e acondicionamento das estradas indicadas en función do termo municipal polo que discorre cada un dos treitos de estrada (*estrada San Agustín, estrada San Agustín-encoro das Pías por Cepedelo*), así como a obtención de todas as autorizacións e permisos sectoriais que sexan preceptivos para a execución das obras.

TERCEIRA. OBRIGAS DA DEPUTACIÓN PROVINCIAL DE OURENSE.

Son obrigas da Deputación Provincial no marco do presente convenio:

- a) Someter a aprobación, de acordo aos procedementos regulamentarios establecidos para o efecto, a ratificación do presente convenio.
- b) Asumir a redacción do/s proxecto/s técnico/s para a execución das obras de reparación e acondicionamento dos treitos de estradas descritos (*estrada San Agustín e estrada San Agustín-encoro das Pías por Cepedelo*).
- c) Asumir a dirección de obra e a coordinación de seguridade e saúde na fase de execución das obras de reparación e acondicionamento dos treitos de estradas descritos (*estrada San Agustín e estrada San Agustín-encoro das Pías por Cepedelo*).
- d) Achegar un importe de douscentos oitenta e seis mil setecentos corenta e nove euros con setenta e dous céntimos (286.749,72 €), equivalente a un 25,5% do orzamento inicialmente estimado de execución por contrata con IVE), os cales irán destinados ao cofinanciamento das obras de reparación e mantemento dos treitos de estradas indicados, cun orzamento total de execución por contrata de 1.125.119,28 €.
- e) Contratar, unha vez recibidas todas as achegas económicas comprometidas polas partes, e consignada a achega provincial no orzamento xeral da Deputación, a execución das obras de reparación e acondicionamento dos treitos de estradas descritos (*estrada San Agustín e estrada San Agustín-encoro das Pías por Cepedelo*), cun orzamento total de execución por contrata de 1.125.119,28 €. En relación co importe que resulte de adxudicación e formalización do contrato, a baixa obtida en relación coa oferta seleccionada como a máis beneficiosa, repercutirase de xeito

proporcional conforme ás aportacións realizadas ao financiamento do contrato pola Deputación Provincial e o Concello de Viana do Bolo.

CUARTA. OBRIGAS DE ENDESA GENERACION S.A.

Son obrigas de Endesa Generación SA no marco do presente convenio:

- a) Unha vez concluídos os procesos regulamentarios mencionados nos apartados anteriores, para o efecto de que o presente convenio sexa firme, outorgar escritura pública de cesión en propiedade da parte dos predios de Endesa Generación que ocupan as estradas mencionadas e subscribir a correspondente acta de cesión dos viarios descritos co Concello de Viana do Bolo, en función do termo municipal polo que discorre cada un dos treitos de estrada (*estrada San Agustín, estrada San Agustín-encoro das Pías por Cepedelo*).
- b) Unha vez inscritas no Rexistro da Propiedade a parte dos predios polos que transcorre o trazado das estradas, contribuír economicamente nun 49% do orzamento inicialmente estimado de execución por contrata con IV€ e cun límite máximo para Endesa Generación de 551.619,84 € ao proxecto de reparación e acondicionamento das estradas descrito nos parágrafos anteriores (e que se xunta), segundo os seguintes fitos:
 - a. Un 10% será transferido á Deputación Provincial de Ourense no prazo de 30 días dende a inscrición no Rexistro da Propiedade da parte dos predios por onde transcorre o trazado da estrada e actas de cesión dos viarios aos respectivos concellos.
 - b. O restante 90% será transferido á Deputación Provincial de Ourense, nun prazo de 30 días dende a presentación das certificacións de obra executada, de acordo á porcentaxe que lle corresponde asumir a Endesa Generación do total do proxecto.

A cantidade indicada para achegar por Endesa Generación será en todo caso a máxima para achegar por esta sociedade á execución do presente convenio.

- c) Colaborar coa Deputación e co Concello de Viana do Bolo no desenvolvemento de actividades que contribúan ao desenvolvemento socioeconómico da comarca, como poden ser cursos de formación, prácticas de formación profesional, visitas guiadas á central e ao encoro e outras, actividades que serán obxecto de acordos específicos, respectando en todo caso o limite mencionado na letra b) de esta cláusula.

Estipúlase expresamente que Endesa Generación non asumirá ningunha responsabilidade pola redacción do/s proxecto/s técnico/s para a execución das obras de reparación e acondicionamento dos treitos de estradas descritos como tampouco pola execución das obras a que se refiren os proxectos.

QUINTA. CONTROL E SEGUIMIENTO.

Para o seguimento e control do cumprimento deste convenio, e para a solución das dúbidas que a súa interpretación poida motivar, créase unha comisión integrada por dúas persoas representantes da Deputación Provincial e unha por cada unha das outras entidades asinantes, a determinar por estas.

Serán funcións da devandita comisión a coordinación e seguimento das obrigas das partes no presente convenio e a resolución dos problemas de interpretación e cumprimento que poidan proporse con respecto ao convenio.

A comisión reunirse cando sexa necesario para o desenvolvemento das actuacións reflectidas no convenio.

SEXTA. INCUMPRIMENTOS.

Os eventuais incumprimentos das partes respecto das súas obrigas fixadas neste convenio serán tratados e resoltos, de ser posible, na comisión de seguimento prevista no presente convenio.

Faise constar expresamente que o incumprimento da obriga relativa ás achegas económicas previstas para Endesa Generación SA na cláusula quinta deste convenio, será causa de resolución do convenio e de reversión das propiedades cedidas aos respectivos concellos.

SÉTIMA.- MODIFICACIÓN E RESOLUCIÓN.

O Convenio poderá extinguirse, durante a súa vixencia, por algunha das seguintes causas:

- a) O acordo unánime dos asinantes.
- b) O incumprimento das obrigas e compromisos asumidos por parte dalgún dos asinantes.
- c) Por decisión xudicial declaratoria da nulidade do Convenio.
- d) Pola entrada en vigor de disposicións legais ou regulamentarias que determinen a súa extinción.

As posibles modificacións deste convenio, acordadas de forma unánime polos asinantes, deberán formalizarse mediante a subscripción do correspondente instrumento modificativo, cos mesmos requisitos e condicións esixidos para a aprobación do inicial.

OITAVA. DURACIÓN E VIXENCIA

Este Convenio entrará en vigor o día seguinte ao da súa sinatura e estenderá a súa vixencia ata a data 31.12.2021, podendo ser prorrogado anualmente ata un máximo de dos (2) anos adicionais.

NOVENA. NATUREZA E XURISDICIÓN.

O presente convenio ten natureza administrativa, quedando suxeito ás estipulacións contidas nel. Tramítase en cumprimento do disposto no artigo 48.1 da Lei 40/2015, de réxime xurídico do sector público.

Para resolver as dúbidas e incidencias que puideran xurdir na aplicación e execución do presente convenio será de aplicación directa a citada Lei 40/2015, sendo de aplicación supletoria os principios inspiradores da Lei 9/2017, de contratos do sector público.

A xurisdición contencioso-administrativa será a competente para coñecer de todas aquelas cuestión litixiosas que poidan xurdir deste.

2º. Ao tratarse dun **gasto plurianual**, comprometerse ao cumprimento do réxime financeiro proposto, co compromiso de incluír no orzamento xeral desta Deputación para os exercicios seguintes as cantidades correspondentes, para asumir as anualidades do gasto indicadas.

4º.- MOCIÓNS DE URXENCIA.- Non se presentan.

5º.- ROGOS E PREGUNTAS.- Nesta quenda prodúcense as seguintes intervencións:

D.^a Elvira Lama Fernández, do Grupo Socialista, pide o acceso ao expediente da obra da estrada provincial OU-05091 no Concello de Esgos, no acceso ao entorno do mosteiro de San Pedro de Rocas, xa que están saíndo varias noticias en prensa dunha tala de árbores importante nesa zona por parte da Deputación.

O **presidente da comisión** indica que se lle dará traslado á sección de Transparencia para que facilite o acceso.

E, ás 18.15 horas, dáse por finalizada a reunión, redactándose a presente acta que se asinará de forma electrónica. Dou fe.

